

醫問
四書

藥準序

不佞領薦於鄉上公車道涉武林即知吳興有培元許先生以醫名三吳間三吳之人藉以起死者無筭種杏已成林矣然第謂名醫已爾辛巳歲游蕪潯溪

寓伯念董祠部園中伯念輒爲
余言先生少負奇工博士家言
藉甚菰林識者謂其芥拾青紫
乃數奇弗售稍以餘力窺岐黃
術輒有領會旣而試之試輒售
久之遂棄去博士家言而顓以

醫各家然猶博及二酉好古文
辭而尤精於詩詞不佞然後乃
知先生非第名醫蓋名儒也然
第耳之已爾無幾何不佞忽病
瘥董氏延先生來診治不佞因
是得識先生見其狀貌魁然器

宇淵然持已恂恂然叔度耶紫
芝耶直令人消鄙吝而忘名利
然後乃知先生又德讓君子也
先生飲上池水故有慧性且漁
獵諸醫書夙夜校讐正其譌而
發其覆先是有素問便讀等書

行世矣茲弟子復謀梓藥準其
說蓋爲本草之雜揉會諸家叅
已見而發人所未發者也寧直
是絲折醫理以扶前賢之奧朏
朏者心惟恐天下後世之迷惑
誤人故欲以是指點而生全之

耳語云上醫醫國先生直醫天下萬世矣其心德不倍厚而功澤不倍宏且遠哉夫古稱不朽者三曰立德立功立言有一於此皆足裕後先生兼之其爲不朽不旣多乎嘗攷公之先世有

知可公者積學弗偶廼業醫以
種德後果以施藥功大而換六
作五遂身食其報焉今先生厚
抱種德不下知可矣天之嗇公
一身而弗售者必將豐報于後
而大發之胤嗣則杏林固槐庭

哉不佞雅重先生之爲人故忘
檇昧而序其梗槩若此見先生
不顯以醫名云

賜進士及第翰林院編修

經筵日講纂修

國史官溫陵九我李廷機撰

卷之三



藥準卷上

明贈光祿大夫少保大學士太醫院院使秀水東山朱儒鑒定

明吳興山人培元許兆楨輯著

藥性賦引

夫藥不執方、用宜默會、投機應病、則勺水可以起沉疴、造妙通玄、雖刀圭足以延壽考、非惟愈疾、亦可頤生、斯術之傳、其來尚矣、自神農嘗百草、以濟蒼生、逮黃帝辨四方、而興素問、歷代之聖君哲輔、靡不留心、自古之孝子仁人、咸知注意、玉函金匱、無非濟世之良方、紅杏青囊、莫匪

活人之秘典。蓋以人生兩間。身緣四大。感風寒暑濕之侵蒸。或喜怒憂思之鬱結。苦樂榮瘁。悉損精神。饑飽逸勞。俱傷氣血。真元纔觸景。以中虧邪氣。卽乘虛而外感。有生難免。具體皆然。且藥性有寒溫良毒。人稟有虛實盛衰。未達其由。豈可遽嘗。必有恒心。斯能永濟。望聞問切。須詳審於臨證之初。補瀉宣通。必嚴謹於投劑之際。先後緩急。有其序。溫滑燥濕。得其宜。則到口蠲疴。應手輒効。假如心胸飽滿。服蘿蔔而寬舒。肚腹脹膨。飲牽牛而快利。麻黃發散。入腸胃則汗

流瓜蒂宣通下咽喉而涎湧藥無不効用當極
靈試嚼烏梅齒遽酸而津液纔吹皂角鼻立嚏
以氣通啖荊芥則淚垂嚼花椒而氣閉龜尿解
噤鼠骨生牙磁石引針琥珀拾芥鸞膠續劍獺
膽分杯血投藕而不凝漆得蟹而自散葱汁可
熬桂作水蟾膏能軟玉如泥凡物性各有不同
在智者隨宜取用畧舉數端證驗以明一切殊
功誠能識性知機用若通靈入聖是以扁鵲華
陀各展驚人之技稚川思邈咸垂救世之慈每
用單行或時兼使以爲一物專攻則氣純而功

速數般相制。則味襍而效遲。惟相須佐使者配
合。則併力以收功。若相反畏忌者交衆。必爭讎
而播毒。當瘳轉劇。貽患匪尠。與其不能研精灼
見。孰若但從簡要易知。抑且省其冗繁。况復便
於倉卒。然藥之真僞。休戚所關。方之臧否。安危
是繫。必合精詳有據。豈宜滅裂無宗。須哀衆善
之長。庶或萬全之效。取其易捷。不特便於旅途。
拔其精華。實有利於人。已援諸例以分門。比諸
類而列款。舉冊可以對證求方。療疾更宜隨時
用藥。雖同一證。詳其新久重輕。必按諸方。慎擇

剛柔緊慢。如纏膚腠。但用輕清。若固膏肓。必施
瞑眩。况風土有寒涼之異。氣稟有厚薄之殊。貴
人富室。治亦異乎貧窮。處子尼孀。療難同於妻
妾。要在知之審而見之明。尤必製之精而用之
當。炮熬煑炙。雷公論之甚詳。表裏陰陽。岐伯言
之至備。蓋以四方之廣。兆民之衆。札瘥時行。非
醫莫療。今予擇諸方藥。類爲一帙。以備仁人之
檢用。蓋施藥不如施方意也。謹錄五臟六腑病
情。藥性於左。

心

心乃手少陰之經多氣少血丁火之臟君主之

官神明出焉其旺於夏爲生之本也內合脉而

外榮乎色味喜苦而志在乎笑髮乃血苗汗爲

心液開竅於舌脉在左寸是心也實則熱而虛

則寒守真云心本熱虛則寒靜則安而動則躁虛寒者怯

怕多驚健忘恍惚清便自呵診必濡細虛遲實

熱者顛狂讖語腮赤舌乾二腑澀黃脉須數洪

沉實心盛則舌見乎標心虛則熱攻於內心盛則口

舌生瘡乾裂腫痛心虛則煩熱也虛則補其母實則瀉其子虛

實既知補瀉必當味甘瀉而補之以鹹氣熱補

而瀉之以冷。心陽不足。桂心代赭。紫石英補須。

參附。離火有餘。竹葉大黃。山梔子。瀉用芩連壯。

心者人參。琥珀鎮心者。金箔硃砂。舌長過寸。研

冰片敷之。即收。舌衄如泉。炒槐花糝之立止。除

瘡落菌。犀角膏。

生犀尖真琥珀辰砂各一錢。人參茯神酸棗仁各二錢。腦子一

字為末。煉蜜丸。彈子大。每一丸麥冬湯化服。日進五次。治咽喉口舌生瘡。菌甚効。與通

聖散。

方見方紀。後倣此。

定志寧神安神丸與補心丹。

人參

丹參玄參白茯苓遠志肉桂梗各五錢。五味歸身麥冬。天門去心。柏子仁。酸棗仁各一兩。生地黃

四兩。煉蜜丸。服二三錢。白湯下。

蔓荊子。涼諸經之血。草連翹瀉

六經之火。驚悸不安。須龍齒沙參小草。健忘失